

敬求增長天眼通 令見地獄諸苦情 敬求增長天耳通  
令我能聞鬼哭聲 敬求增長宿命通 令知畜生之前身  
敬求增長他心通 令我能知衆生心 敬求增長神足通  
令具八德度衆生 敬求增長無漏通 令我開顯衆法身  
佛眼所見一切寶 佛力能到一切處 佛身所現一切光  
世財聖財賜發揚

七、加持薪

八、加持油

九、舉火

十、供本尊

初供菩提枝 頌曰：

二利福慧垂蔭菩提枝 供已寶樹雨寶無已時

咒曰：

喻、白廈哇那也、娑哈、喻、菩提支扯也、娑哈。

祈請頌曰：

因上出離並懺悔四力 道上五根卅七菩提力  
見聞接觸起分相應力 氣脈明點入住融化力  
空悲無二二八功德力 樂明無念大圓滿定力  
果上成就大樂智慧力 願尊加持增長彼一切

次供五谷 頌曰：

恆毅忍耐道資糧 壽命定慧勝資糧  
空行妙樂密資糧 供已大圓滿增長

次供五綢 頌曰：

妙觸溫柔蒙王心讚賞 供已勝樂受用悉增長

咒曰：

喻、白廈哇那也、娑哈、喻阿吽、娑哈。

祈請曰：

外財寶與內精華 密則妙蓮及時花

密密十力十八法 願速大圓滿開發

次供三白，即酥油、酥酪、牛乳。 頌曰：

聖潔三白總供已 願遇空行增智喜

咒曰：

喻、白廈哇那也、娑哈、喻、沙哇傘巴斗、娑哈。

祈請曰：

邪誘生時願增守護戒律力	遠緣生時願增無生法忍力
散亂生時願增妄念顯定力	昏沈生時願增法身光明力
夢寐生時願增知夢轉夢力	死魔來時願增生死自在力
壽障生時願增堅住無死力	貧乏生時願增攝財無礙力
中斷生時願增相續精進力	小成生時願增忍小就大力
決定死時願增光明法身力	中陰生時願增轉成報佛力
決往生時願增上品上生力	能度生時願增八大悉地力
遇外道時願增攝彼皈依力	祈尊普賜如尊八地自在力

次供三甜，即白糖、紅糖、蜂糖，頌曰：

如尊八地無生上妙味 供已願證如尊之道也

咒曰：

喻、白廈哇那也、娑哈、喻、沙哇傘巴斗、娑哈。

祈請曰：

差別所依根本智 無念虛空無心知

能生同體大事業 願此相續定相熾

次供五寶粉 即白色之碑磔，黃色之金泥，紅色之瑪瑙，綠色之松耳

石或綠玉，及藍色之藍寶石。頌曰：

光明照耀摩尼王 妙金星幢摩尼王

種種變化摩尼王 世財聖財賜熾昌

咒曰：

喻、白廈哇那也、娑哈、喻、班札摩尼、娑哈。

祈請曰：

末法唯依罪取財 求受王施幾人來 於我真修瑜伽士  
仗天王福大栽培 二利萬行廣大事 增一能救衆輪迴

願尊常憶大誓句 願尊不斷護持來

次供茅草根或針、線 頌曰：

普賢願力甘露海 一念攝盡三世劫

無時暫捨一衆生 無量壽命願結集

咒曰：

喻、白廈哇那也、娑哈、喻、班札阿史扣、吽、娑哈。

祈求曰：

塵沙衆生心氣攝 一命兼繫衆命劫

護我長生救衆苦 行尊大願大事業

次供安樂丸 任何男性賀爾蒙丸 (Hormone Tablets) 皆可，七至九粒即可

也。

頌曰：

於大金剛威猛勢 隨時高舉大樂幢  
慧劍徹底除貪著 應得大自在增長

咒曰：

喻、白廈哇那也、娑哈、喻、麻哈蘇卡、娑哈。

祈求曰：

藥叉空行女之主 一切聽誓句到場  
願蒙主眷之加被 依安樂道而增長

次供花 頌曰：

主尊空行四方伴 四隅之外復如網  
密智雲集沙數尊 一一毛孔樂增長

咒曰：

喻、白廈哇那也、娑哈、喻、班札麻哈蘇卡、娑哈。

祈求曰：

如彼花鬢皆相連 願空行衆咸雲集

世財聖財守護者 依蓮花壇而聚集

次供果 果用蘋果之帶黃紅色者，至少五個，多則十五。 頌曰：

如彼摩尼能生供養雲 供已自他佛果一時圓

咒曰：

喻、白廈哇那也、娑哈、喻、班札喀巴雅、娑哈。

祈求曰：

悲願利他化身果 清淨圓滿報身果 無依光明法身果

此三等持體性果 大樂智慧虹身果 願賜德增速證果

次八供 頌曰：

供水願得財源湧進來 供花願得世間空行來

供香願得麝蓮妙尊來 供燈願證圓滿法身來

供塗願得一切莊嚴來 供食願得妙欲如法來

供樂願得大樂受用來 爲利自他願早圓滿來

咒曰：

喻、白廈哇那也、娑哈、喻、阿港、巴當、不北、觀北、阿努苟、  
梗登、努尾斗、下打、抓地札也、娑哈。

祈求曰：

八供如法供養已 願證八德增智喜

一切世出世大業 增上圓滿蔑加矣

十一、謝火神

十二、回向

甲、普通回向 頌曰：

從無始來至於今 根本支分三昧雅 特令空行不喜者

以此火供之善行 願消一切戒犯罪 瑜伽士及其眷屬

密戒違犯以供贖 邪見紛起以供除 護法捨棄以供護

依誓來此作事業 祈賜世出世成就

乙、特別回向頌

以尊大願大自在之力 及依如來真實法性力



行者大心負荷大事力 願得世財聖財超一切

### 本儀軌跋

民國庚寅春王正月，張澄基居士時亦住噶倫堡，來我關房，談及增法火供事。是日光中，見金色毗沙門天王，坐我關房壇城之北方，是開許造〈毗沙門天王火供儀軌〉之兆。張澄基居士並捐出百圓印幣，即舉行第一次火供，時欣逢其妻生辰。是夜雀戰，張以「常輸將軍」綽號出名，竟破例贏百餘印幣。翌晨欲趕赴火供時間，預備以所贏百圓，直供火中，惜到時，火供已圓矣。凡依此軌而得利者，宜即以所得利，至少百分之五十，作利他佛事，款據爲私有，可能折福於壽。譬如不得此財，能活百歲，既得此財，而不作善事，則可因積此財，而折減壽命，先百歲而去世，此不可不戒也。昔多傑尊者，傳授蜀中一居士財神法；其預備木箱，每日皆有自來之銀幣；不肯作好事，不三年，該居士已逝世。多傑尊者再過成都時，人告以某已故，多傑尊者乃作如此以福折壽之解析；吾人可不慎乎！

# 第九章 古魯古里佛母懷法火供儀軌

一、乞地

頌曰：

由依無比法界觀 華藏玄門當地現

二、發心

我與生佛法身本同體 由隔無明障蔽本來面

爲令親密如影隨我身 金剛蓮花大喜心顯現

次四無量心

願我所攝離苦具大樂 大樂既具不斷生樂因

殊勝不變常攝離諸苦 平等聯結大捨即大成

三、加持

甲、加持蘊界處 頌曰：

六大真實瑜伽常安樂 阿網雙運明點悉具足

四喜四空無漏金剛定 十方三世畢露清淨欲

乙、加持鈴、杵、鼓 頌曰：

鈴爲愛語聞者皆歡喜 杵出光鈎觸者皆攝持

鼓聲具樂遠者來親近 無疑無嫉坦白供九姿

四、守護

五、加持供品

六、安座並禮讚

甲、安火神座 頌曰：

除世間暗普光燄外座 拙火安樂暖增長內座

攝紅菩提春明祕密座 無不融光請住密密座

次觀懷法火神 頌曰：

蓮月座上現朗字 轉成敬愛紅火神 一面二臂右持灶

左手仙壺仙人相 其髮甚多具貪容 大腹以紅梵線飾

次讚火神

世間自在法王依怙子 已得事業灌頂火神王  
殊勝智慧燒除彼二障 能助懷法事業尊前禮

乙、安本尊座 頌曰：

四攝具足八頁蓮外座 祥光慈容普照爲內座  
微妙歡悅空樂爲密座 虹光環遶請住密密座

讚本尊身 頌曰：

諸法一味歡樂之慈容 二臂弓箭具花能攝持  
右具棒鉤大福集諸佛 左具繩鉤大智攝羣機  
花鬘莊嚴具諸妙眷屬 見聞莫不竭誠敬愛之  
諸祖修尊皆已成國師 大事大業唯尊祈加持

讚本尊弓箭 頌曰：

直箭能穿菩提道 曲弓攝持諸羣生  
曲上安直反得勢 不遺一物外壇城

箭是直心大道場 弓爲方便卅二應

何物不具如來藏 縱彼螻蟻願同登

讚本尊如來鈎 頌曰：

一切大心菩薩願	從初乃至圓滿佛	無住涅槃無盡事	勝鈎助成願垂顧
外八悉地內八德	大小乘共三十七	滾打五種勝菩提	願法性鈎爲我攝
具種具智具才女	末世邪誘反易攝	惟仰果德大懷鈎	攝三灌伴同努力
國王法王建大猷	權威高出十界頭	統攝勝共諸成就	敬讚勝魔大力鈎
衆生本具如來藏	主伴重重如帝網	破彼邪見無明障	勝鈎事業願推廣
度生安能長蟄藏	壇內亦須業金剛	伏彼異教顯身言	願攝空行佐道場

七、加持薪

八、加持油

九、舉火

十、供奉尊

初供菩提枝 頌曰：

聖母所依如意樹之柯 供已攝財與人並妙樂

咒曰：

喻、古魯古里也、娑哈、喻、菩提支扯也、娑哈。

次供紅檀 如無力以紅檀代薪，架成火壇，則至少購買紅檀粉末一盤供之。此物爲懷法主要供品。 頌曰：

如此具足大樂色 薰成蓮宮妙麝香

寶鼎完成常春供 攝彼開發海螺藏

咒曰：

喻、古魯古里也、娑哈、喻、沙哇卵加、滑嚮古魯火、喻、班札覲北也、娑哈。

次供菩提（或以清淨少女初次月精供之，或以五靈脂代之。）

頌曰：

蓮師父母智慧方便晶 供已速遇光明亥母身

咒曰：

喻、古魯古里也、娑哈、喻、沙哇卵加、滑嚮古魯火、喻、麻哈蘇  
卡、娑哈。

次供金鈎（即蝦米乾） 頌曰：

一物具足三口訣（註） 供已願飲亥母血（註）

咒曰：

喻、古魯古里也、娑哈、喻、打他嘎打俱舍、娑哈。

次供合歡皮 供時，將此合歡皮置於二瓢之間，函蓋無間，然後供於  
火壇中。頌曰：

空有諸法本來同一味 無明我執互妒成隔離

阿網雙運空樂成四業 願能攝彼因供合歡皮

咒曰：

喻、古魯古里也、娑哈、喻、沙哇卵加、滑嚮古魯火、喻、麻哈蘇  
卡、娑哈。

次供海參、鮑魚 海參用五吋長者，鮑魚用二吋口徑者。供時，海參

當以其頂，入鮑魚中心，而以雙瓢含蓋，供入火壇。

頌曰：

六大瑜伽空樂勝精華 出生息增懷誅大事業  
具相能表杵蓮物供已 願速結集所表勝共德

咒曰：

喻、古魯古里也、娑哈、喻、沙哇卵加、滑嚮古魯火、喻、班札麻  
哈蘇卡、娑哈。

次供紅鹽 如無紅者，和以黃丹。 頌曰：

於百味中作母味 於百物中作母物  
供已當入亥母懷 爲師作伴醉禪悅

咒曰：

喻、古魯古里也、娑哈、喻、沙哇卵加、滑嚮古魯火。

次供鉤藤 與上合歡皮皆藥物，可在中藥店購之。 頌曰：  
如鉤不捨如藤常連起 願承亥母以身施智喜



咒曰：

喻、古魯古里也、娑哈、喻、沙哇卵加、滑嚮古魯火、喻、班札麻  
哈蘇卡、娑哈。

次供金剛鉤（以可燃之紅色鉤狀物供之，如吊衣架之上端） 頌曰：

天女所持金剛鉤 瑜伽部中亦常攝

本尊無邊法界愛 隨心所欲無不契

咒曰：

喻、古魯古里也、娑哈、打他嘎打矩捨、冒地左哩也、波哩布囉  
迦、娑哈。

次供花箭 即就預製之弓箭，向所攝方作射勢，然後供入。 頌曰：

聖潔妙齡體具攝持德 姿態柔順紅潤攝持色

花箭所往遍起攝持用 如磁吸鐵遠來而近悅

咒曰：

喻、古魯古里也、娑哈、喻、沙哇卵加、滑嚮古魯火。

次供花 花之紅色而具鉤者、無刺者，如印度之野生紅芙蓉。

如紅菩提充滿之妙花 供已願主三處空行家

祈求頌曰：

欲海狂瀾如蟻赴腥羶 有誰顧愛岩穴瑜伽士

鬥艷爭媚具相多墮落 有誰敬愛孤寒瑜伽士

權位多被魔軍眷屬佔 有誰護持苦行瑜伽士

聖母法身充滿一切處 有誰能逃聖母懷抱中

一蒙鉤攝外內密順緣 齊集我身大振諸宗風

咒曰：

嗡、古魯古里也、娑哈、嗡、沙哇卵加、滑嚮古魯火。

次供雙運火光 頌曰：

如火熾盛亥母勝菩提 如酒興奮上樂勝金剛

徹上徹下俱生喜充滿 供已成就無死身虹光

咒曰：

喻、古魯古里也、娑哈、喻、沙哇卵加、滑嚮古魯火、喻、班札麻  
哈蘇卡、娑哈。

次供紅綢 頌曰：

攝自在色妙觸紅天衣 供已空行如影常相依

咒曰：

喻、古魯古里也、娑哈、喻、沙哇卵加、滑嚮古魯火。

次供茅草根或針線 頌曰：

無死草根表出金剛身 供已攝無量壽樂長生

咒曰：

喻、古魯古里也、娑哈、喻、班札阿臾扣、吽、娑哈。

次供核桃 頌曰：

禪門妙樂是誰得其髓 密法四喜誰到十二地

外形內意雙契以運觀 願速成就圓滿證二諦

求曰：

五種菩提最上爲滾打 能令行者即生便證得  
無上大樂智慧身佛果 願攝三灌勝伴助證德

咒曰：

喻、古魯古里也、娑哈、喻、沙哇卵加、滑嚮古魯火、喻、班札麻  
哈蘇卡、娑哈。

次供紅色果 如蘋果等色紅者，桃子亦可。 頌曰：

果果宗乘具足禪密德 於空性上攝持大樂女  
圓證二果大樂智慧身 空樂根本空行願速遇

咒曰：

喻、古魯古里也、娑哈、喻、班札喀巴雅、娑哈。

求曰：

以毒攻毒具貪而離貪 願與令彼毒盡母交歡  
出生無死大樂智慧身 度盡人天各載五佛冠

次八供 頌曰：

大慈悲水能潤能清淨 勝妙攝持具花且與果  
滾打菩提沁透心身香 相續智燈高照光燦燦  
同體遍滿大悲香所塗 禪悅妙食智喜雙印可  
極樂世界大喜歡笑聲 供已現證金剛大勝樂

十一、謝火神

十二、回向

甲、普通回向

乙、特別回向 頌曰：

以尊大願大攝持勝力 及依如來真實法性力  
行者大願大供啟請力 願能自在攝持外內密

註：三口訣者：懷法當用魚，一也；當用紅色，二也；當如鉤，三也。血者，即智慧也，亦稱紅菩提。

## 第十章 勝樂金剛懷法護摩儀軌

一、乞地

二、發心

願我所攝離苦具大樂 大樂既具自有諸樂因

殊勝不變四喜離諸苦 于平等捨勝樂輪集成

三、加持

甲、加持鈴、杵、鼓 頌曰：

鈴即亥母杵即大樂尊 聲爲阿罕愉悅調衆生

鼓表二空安樂出生處 頓令衆生皆成覺有情

乙、加持蘊界處

六大瑜伽空性常安樂 嘔網雙運明點悉具足

大喜智慧無漏金剛定 十方三世畢露清淨欲

丙、加持身、智、事三種平等

如來行者與火壇 同爲法身身平等 如來實相行者智

與爐中火智平等 如來願力行者事 與爐中供事平等

能所三種平等合 一切事業功德顯 本法不共三平等

佛母爲爐佛父火 行者如子而承事 此三一體身平等

佛父杵火佛母蓮 外現爐火智平等 佛父大樂佛母智

行者願力事平等 如是安樂成大業 懷法攝持功德顯

四、守護

五、加持供品

六、安座並禮讚

甲、安火神座

乙、安本尊座 頌曰：

清淨法身無不遍外座 清淨妙欲無不樂內座

清淨勝母蓮花祕密座 清淨大樂事業密密座

如尊外內密二十四壇 請常安住佈施清淨樂

讚曰：

敬禮

上師勝樂金剛無分前

嚇爲無生體空超言詮 嚙爲無依不住任何處  
飲者受用無漏大樂花 常樂我淨四德總集者  
天衣欲飛氣概何軒然 菩提半月愉悅無窮盡  
不入虎穴焉能得虎兒 無畏解脫出入蓮花裏  
諸法清淨妙欲淨無邊 誰能體味剎那超三界  
嚙爲無滅離於衆因緣 禮讚普賢如來所顯前  
血者諸佛慧命之精華 禮讚本尊勝樂金剛前  
十字杵高事業任運圓 禮讚本尊上方勝莊嚴  
以毒攻毒取所調虎皮 禮讚本尊下方妙威儀  
俱生大智顯露歡喜禪 禮讚本尊所抱亥母前



身受心法四念金剛堅  
息增懷誅四事自在全  
四身四智四德皆配合  
禮讚本尊四方空行前  
遊戲神變解脫成天真  
慧劍長倚護持密行人  
鴉面無染變現復變現  
禮讚本尊化現護法身  
巖處甚深尸林誰問津  
降格相從主眷作山神  
悲願宏深誓爲法戮力  
禮讚本尊羅又依怙身  
我如小嬰仰瞻秋空晴  
渾身拜倒何日慰我情  
忽然顯現我心清淨裏  
禮讚本尊二十四壇城  
主伴三壇外護總集恩  
惟念七字能消萬劫冤  
轉變心識地道得自在  
禮讚本尊無上妙真言  
末世衆生貪欲極熾盛  
甚深妙道險哉極難行  
如蛇在竹或升或墮落  
誰爲拔度悲泪仰壇城  
妙法無比賢劫不常傳  
似犯實守勒馬於巖懸  
氣脈障難如盲處夜半  
誰爲援手哭訴主眷前

具戒出離起分已深入 明空妙定菩提心增益  
如斯感得亥母示現因 導瑜伽士各知所緩急  
師恩覃深徹底通下情 本尊佛母愛我如小嬰  
護法慈祥嘉善矜不敏 羣德栽培順緣助早成  
啓請啓請金剛大抽擲 佈施妙智除衆心煩熱  
啓請啓請蓮花大騰挪 佈施勝喜令住安樂窩  
廿四壇城獨留猶未隱 究爲誰者我殷重啓請  
願賜無死大樂智慧身 接最後機莊嚴大悲憫

七支讚曰：

以樂印空前敬禮  
現清淨欲爲供養 具足四喜而隨喜 阿罕相連爲讚嘆  
請轉不變大樂輪 長住蓮花光世界 回向衆生證勝樂

七、加持薪

八、加持油

九、舉火

十、供本尊

初供菩提枝 頌曰：

由供勝樂菩提枝 現見亥母擁抱之

順逆四喜蓮壇中 四事皆可調衆癡

咒曰：

喻、朽路班札、嚇嚇魯魯康、吽吽啞、札格尼、札那桑巴朗、娑

哈、喻菩提支扯也、娑哈。

次供鹽 頌曰：

于百味中作母味 于百物中作母物 供已得入亥母懷

爲師作伴醉禪悅 攝衆如子常不離 言行皆奉爲法則

如彼鹽味與菜融 受我攝持無阻塞 喻哈哈吽吽啞

次供金鈎 頌曰：

一物具足三口訣 又紅又腥又鈎屈

供已得成大金剛 隨時能飲亥母血

咒曰：

嗡、哈哈哈哈吽吽、嗡、沙哇卵加、滑嚮古魯火。

次供合歡皮 頌曰：

空有諸法本來同一味 無明我執愚癡成隔離

嘔網兩性相交成事業 願能攝持因供合歡皮

次供鮑魚與海參 頌曰：

外顯形狀內現安樂相 供請本尊父母開寶藏

抽添騰挪顯各種歡狀 令諸行者智喜得發揚

咒曰：

嗡、哈哈哈哈吽吽、嗡、沙哇卵加、滑嚮古魯火、嗡、麻哈蘇卡、

娑哈。

次供牛肉丸 以牛肉搗碎，和紅鹽及少許白蘭地酒爲丸。外以糝粬如肉包包之成丸，塗以紅色，至少百〇八個。出《勝樂本續》。供之能令福慧

駢增。 頌曰：

外五大物內五智精華 紅白菩提融合勝妙丸  
不惟福德由供此增長 亦且十力五智可周圓  
爲利衆生願具足悲智 身健心安壇城集勝緣  
妙欲受用無盡無垢藏 由依此供五身皆周全

咒曰：

喻、哈哈吽吽、喻、沙哇卵加、滑嚮古魯火、喻、沙哇傘巴  
斗、娑哈。

次供紅綢 頌曰：

妙觸柔順智喜空明綢 供已身空光蘊體成就  
無死住世長轉空樂輪 度最後機諸佛願皆遂

咒曰：

喻、哈哈吽吽、喻、沙哇卵加、滑嚮古魯火、喻、班札阿臾扣  
吽、娑哈。

次供茅草根或針線 頌曰：

無死草根表示金剛身 供已長壽以樂契無生

咒曰：

噯、噯哈哈吽吽、噯、沙哇卵加、滑嚮古魯火、噯、班札阿曳  
扣、吽、娑哈。

次供雙運火光 頌曰：

當供雙運火光時	本尊歡喜不可支	廿四壇城三處女
皆成雙運各種姿	法界有情與無情	無處無時不如之
天地日月與陰陽	樺杓凹凸與杵臼	晝夜鎖鑰與開合
無時無形不相耦	大樂空性交相融	皆是本尊之善誘
具緣具時具相女	時空全體爲系紐	不由自主帶笑來
噯哈哈吽吽	外法界一切諸法	內有情一切諸受
密本尊壇中加持	密密行者與佛母	全體雙融起大樂
十界融成一夫婦	阿罕大聲六震動	大涌大擊大聲吼

光明遍照於六凡 除愚癡已離諸咎 十界一壇成勝樂  
無死虹身住永久 一切施主與眷屬 從此超出於九有

關於雙運火光作法，補記於此：先用盛瓢，表佛父之杵，盛滿供油，表佛父之白菩提，置之火壇中大火上，使其開沸。次用灌瓢，表佛母之蓮花，盛白蘭地，表大樂精華，或紅菩提，俟油開沸，即以此酒倒入盛瓢中，於是火光特發，行者即當高舉此火光三次，依次加高，表示四喜充滿虛空。

次供紅白菩提 即以男女分用之賀爾蒙丸各五顆代之。

由供紅白雙菩提 願依三灌速證果

具足五種菩提心 令衆咸成勝薩埵

咒曰：

喻、哈哈吽吽、喻、沙哇卵加、滑嚮古魯火、喻、班札薩埵、  
吽。

次供醍醐 即由酥油再煉純油。 頌曰：

由彼清淨聖潔牛乳出 多番提煉供此妙醍醐  
是五種中最上大菩提 證大樂身速得與願符

次供核桃 頌曰：

禪門妙樂是誰得其髓 密法四喜誰到十二地  
外形內意雙運契理供 願具證德圓滿於二諦

咒曰：

喻、哈哈哈吽吽、喻、沙哇卵加、滑嚮古魯火、喻、班札喀巴  
雅、娑哈。

次紅棗

十速偈 頌曰：

早斷諸疑	令生歡喜	早與一切	佛母同事
早增諸行	果滿大願	早以慈力	摧伏魔軍
早隨勝解	出生神變	早從本智	出生十力
早以方便	轉妙法輪	早以妙言	淨諸世間
早以法光	照耀法界	早就羣機	示佛依正

咒曰：



喻、哈哈叫叫呸、喻、沙哇卵加、滑嚮古魯火、喻、班札喀巴  
雅、娑哈。

次鮮果 如供蘋果之多紅色者，至少五個，多則九個。 頌曰：

悲願利他化身果 清淨圓滿報身果 無依光明法身果

此三等持體性果 大樂智慧虹身果 願攝空樂速證果

咒曰：

喻、哈哈叫叫呸、喻、沙哇卵加、滑嚮古魯火、喻、班札喀巴  
雅、娑哈。

次八供 頌曰：

供水大樂罕點降 供花大智拙火昇 供香明點遍全體

供燈光明遍法身 供塗相好皆具足 供食妙欲常遂心

供樂安樂集大成 爲利自他證本尊

十一、謝火神

十二、回向

---

甲、普通回向

乙、特別回向 頌曰：

以尊大壇大願攝持力 及依空行雙運智悲力

法性真實行者誠信力 願能遍攝勝樂外內密

# 第十一章 助生淨土阿彌陀佛息法護摩儀軌

一、乞地

二、發心

頌曰：

願乘彌陀加持力 發起度他往生心

空悲無二自性地 自顯接引衆生身

三、加持鈴、杵、鼓

四、守護

五、加持供品

六、安座並禮讚

甲、安火神座

乙、安本尊座

大出離心爲外座

金地寶蓮爲內座

慈悲救度爲密座

大樂光明密密座

次本尊觀

黃金爲地極樂國

阿彌陀佛瑪瑙色

慈容照見娑婆界

右手垂接施恩澤

左手持鉢滿甘露

八功德水流禪悅

坐蓮月上放慈光

令衆離苦登佛域

(同時觀死者自身現爲觀世音菩薩像，而依止其座下。)

次七支讚

通達自性以敬禮

如彼聖鳥而讚嘆

一心不亂真懺悔

出離五濁以隨喜

請轉大悲接引輪

長住大安養蓮邦

引衆生西大回向

七、加持薪

八、加持油

九、舉火

十、供本尊

初供菩提枝 頌曰：

極樂七重寶樹柯 供已存歿皆極樂

啟請曰：

唯尊淨願最及時 待引苦衆咸仰之 一切業果成熟時

令依佛力解脫之 親友財物捨棄時 令知出離勿念之

死魔冤家圍遶時 令心向西勿畏之 中陰孤自飄零時

令遇我佛導引之 被迫無所受生時 令見蓮花正趨之

花開見佛證悟時 令乘願來勿忘之

咒曰：

喻、阿彌斗哇哈、喻、沙哇巴幫、辛登古魯也、娑哈。

次供黑芝麻 頌曰：

有生以來一切罪 供已無復有顧慮

咒曰：

喻、阿彌斗哇哈、喻、沙哇巴幫、辛登古魯也、娑哈。

次供芥子 頌曰：

慈力能勝一切阻礙魔 供已離惡得往生極樂

咒曰：

喻、阿彌斗哇哈、喻、沙哇巴幫、辛登古魯也、娑哈。

次供三白 頌曰：

如彼白淨之三物 願三業淨生佛國

咒曰：

喻、阿彌斗哇哈、喻、沙哇巴幫、辛登古魯也、娑哈。

次供三甜 頌曰：

如彼甘露之三甜 願與上善人相連

次供蓮花 頌曰：

蓮出污泥卻名貴 供已能證淨土位

（如其時其地無有蓮花，以蓮花包心白菜，除其內心鬆弛不緊抱者，只用外葉，略為以手放開，成爲較大蓮花。）

咒曰：

喻、阿彌斗哇哈、喻、沙哇巴幫、辛登古魯也、娑哈。

次供蓮子 頌曰：

蓮子與花兩同時 供已依蓮作大事

次供大樂丸

（此在專爲度人往生時可以不供。在無人往生而純爲紀念彌陀，供養西方時，可用。此丸即選市中之男女雙方賀爾蒙丸各五粒以上。）

頌曰：

西方美稱蓮花部 姊妹三昧可敬慕

智慧大樂能生者 蓮花空行願速遇

次供茅草根或針線 頌曰：

文佛猶自示無常 畢竟蓮邦是故鄉 願乘火供小善力  
死者超昇生者強 一期大事得了已 願率四生回蓮邦  
有一衆生未度者 願承佛力壽無疆

咒曰：

喻、阿麻那尼、九旺底也娑哈、喻、班札阿曳扣、吽、娑哈。

十一、謝火神

十二、回向

甲、普通回向

乙、特別回向 頌曰：

三種律儀有所違	以供贖之化成灰	五部空行有所違
以供贖之願速回	死者往生有所阻	以供贖之生淨土
存者所造一切罪	以供贖之離怨對	長住人天作導師
自性彌陀常不謬		



# 第十二章 耶穌教五聖尊息法火供儀軌

一、乞地

二、發心

頌曰：

人天之善長養佛菩提 雖小亦能積成大資糧  
爲令六道離罪而得救 道基穩固堪登佛道場  
行此火供願善心增長 感得五聖助成大法王

三、加持鈴、杵、鼓

頌曰：

杵爲帝心具大慈 鈴爲大悲生帝子  
鼓表感應之聖衆 齊負聖架作大事

四、守護

五、加持供品

六、安座並禮讚

甲、安火神座

乙、安五聖尊座

初作天宮觀 頌曰：

明如水晶天宮裏	四方各有四千里	百四四肘之高度
皆爲寶玉所砌起	精金明淨如琉璃	各種城基寶石底
第一根基爲碧玉	第二根基藍寶石	第三根基綠瑪瑙
第四根基綠鑽石	第五根基紅瑪瑙	第六根基紅寶石
第七根基黃璧璽	第八根基水蒼玉	第九根基紅璧璽
第十根基爲翡翠	十一根基紫瑪瑙	十二根基爲紫晶
四方各有三大門	十二大門有天使	門上各有大珍珠
街道皆爲精金鋪	如彼明透之琉璃	城內不用日月光
自有上帝光照耀	生命河水極明亮	生命樹有十二種

每月結果能延壽 其葉可醫一切病 城內永遠無黑夜  
惟羔羊冊有名者 方可安住於其中 如此美妙之天宮  
由受火供忽現前

次作本尊觀

聖神周遍光明爲外座 精金明亮父子之內座

聖母慈祥懷抱爲密座 聖徒事業無礙密密座

次觀座上有白淨大圓光，此爲聖神所在。此圓光中，有十字架，耶穌在架中心。架上有天主或上帝。架下有男性聖徒，如法蘭西。架右有聖母。架左有女性聖徒，如體理莎。此即本儀軌所特別稱呼爲五聖尊者也；與耶穌教以聖神居上帝之次位者不同，便于與佛教之法身配合耳。

次安耶穌座 頌曰：

淡泊清貧馬槽之外座 血肉自供聖餐爲內座

十字橫擔衆罪爲密座 勝光照耀請住密密座

次迎耶穌頌：

迎尊便迎諸聖尊 迎尊本體迎聖神 迎尊能遣迎聖父  
迎尊能生迎聖母 迎尊助伴迎聖徒 現前降臨一即五  
如在馬槽如在架 如在天上父右弼 受此薄供成一體  
與我無分助事業

次讚耶穌頌：

尊本大悲觀音所化身 歷劫爲衆到處變其形  
在周中國靜藹作犧牲 肉挂松林勸人發大心  
血變白淨踏者已往生 捧心西逝悲壯勝於尊  
供尊供盡一切大悲僧 供尊圓供觀音大精神  
諸佛菩薩何止恆河沙 歷劫爲衆犧牲最堪誇  
然論爲世所知極普遍 莫有能逾耶穌十字架

七、加持薪

八、加持油

九、舉火

十、供本尊

初加持麵包及酒頌

（先呈麵包五方，酒五杯。酒以白蘭地紅色者為佳。麵包白色表肉，酒紅色表血）：

如尊呼食麵包變尊肉 如尊呼飲美酒變尊血  
神力自在代尊救贖衆 從罪中出復從佛法活

次讚聖餐頌：

如此麵包即是我之肉 此肉即是為衆服役身  
如此美酒即是我之血 此血即是諸佛智慧精  
願承大悲贖彼衆生罪 願承大力弘揚一切乘  
以此弘法救衆之功德 象徵麵酒供養五聖尊

次總祈求曰：

尊肉尊血為衆贖罪出 此麵此酒為衆報恩德  
願衆罪淨具足人天善 基礎穩固能受佛禪悅  
次分供五聖 麵包、酥油、酒各分五份，依次供之。

1. 供聖神 頌曰：

聖神充滿一切時與處 天主本體可趨入法身  
供已願承天主天眷助 護持衆生平安證佛乘

2. 供聖父 頌曰：

天主積善自在能力强 世界七日便能如幻彰  
權威最上曾護佛陀法 供已護我如護佛道場

3. 供聖子 頌曰：

耶穌本爲大悲觀世音 爲衆贖罪仰體天主心  
信者得救無分古與今 供已助我弘揚佛法音

4. 供聖母 頌曰：

聖母溫良天主所加持 能以童貞胎藏生天兒  
代衆祈禱感應如谷響 供已助我永爲金剛師

5. 供聖徒 頌曰：

示頭陀行聖男法蘭西 示謙卑行聖女體理莎

大好榜樣多從聖徒出 供已助我佛道速到家

次供麥片 即五聖全體——不另分供 頌曰：

供此麥片即以當彌撒 用示恭敬鴻恩以此謝

善邀天福諸罪求天赦 助我往來全球大弘法

次供魚於五聖 耶穌天主教，每逢星期五斷葷而不斷魚。一則魚曾被耶穌利用以少飽多，二則第一聖徒彼得原爲漁父，故有此雙重紀念。佛敎諦洛巴上師佛像右手持活魚將食之狀，曾生吞活吐；亦以魚表輪迴之衆生。然火供所用，初修行人未必有此神通，故宜買百貨店中魚罐頭用之，不可直向市中買半活者。頌曰：

如尊斷食不斷魚 星期五日聖衆隨 如尊變少以爲多

供此令我具神足 如尊令徒能得魚 亦如食魚佛諦洛

供此令我度衆生 全體爲魚同我樂

次供芝麻 頌曰：

一切衆生罪業多且黑 芝麻之供代表罪肉血

次供芥子 頌曰：

一切衆生以罪惹生魔 撒旦主眷佈滿於娑婆  
供此芥子祈除此惡魔 邪見消滅皆得成佛陀

次供白綢衣 頌曰：

記得臨刑白布衣 被人撕破盡知非  
而今補供淨天衣 願感光榮得法妃

次供茅草根 頌曰：

無死之根長出土 供已長住度教徒  
次供生水果 但取時令新出之水果四個即可，不拘爲何物。

圓滿甘露具足果 供已教徒證佛果

次供十字架於耶穌 先用紅色洋蠟，較長者爲架之直柱，此上略刻小槽；再用紅蠟短者黏定以爲橫架。如是者凡十四架。以下每一站，供一架；將下頌文誠心唸誦，和以淚涕，不可隨意滑口而出。

讚十字架 頌曰：



諸佛菩薩何止恆河沙 歷劫爲衆犧牲最堪誇  
然能爲世所知極普遍 莫有能逾耶穌十字架  
十字橫枋橫超於十方 十字豎枋豎窮三世藏  
十字上方上承天主教 十字下方下代衆生亡

次祈求曰：

天主爲父童貞女爲母 爲衆生生又爲衆生死  
死已復爲衆生而復活 大悲觀音化身無分別  
豎窮三世橫通於十方 十字架上大悲事業彰  
佈施之首持戒之寶藏 忍辱之尤精進之大樑  
禪定之頂般若之康莊 惟尊標榜人天之義方  
菩薩乘基漸趨於金剛 體貼帝心護教長熾昌  
願承慈力助我廣弘揚 神通具足起死而開盲  
歐風美雨齊歌三寶章 統率全球組成一佛堂

次供十字架，於十四站各供一架。

第一站 法庭枉判 詩曰：

荊冠葦杖爲何情 誰令聖身判死刑  
不是無辜空受苦 替人贖罪作犧牲

第二站 耶穌負架

十字架頭千萬鈞 橫擔衆罪壓孤身  
酬恩有淚休徒灑 當作離愆寡悔人

第三站 初次仆地

血肉昨經作晚餐 憑天祈禱徹宵寒  
苦心孤詣終難了 壓倒架旁孰忍看

第四站 起身見母

最初墮地起身後 正是親娘得遇時  
教我罪人勤懺悔 消融百苦仗天慈

第五站 西門分荷

昔日西門分負荷 自愧當時無有我

大事臨肩須效勞  
祈尊助證佛陀果

第六站 越樂拭淚

悲淚憫人負架流  
傷心事業慟千秋

當年越樂舒巾拭  
紅蠟今朝血未休

第七站 二次仆地

罪遍虛空一架持  
路遙任重實難支

替人仆地救人墮  
墮後如尊有起時

第八站 遇婦人泣

千秋想像惹人愁  
況是親逢淚自流

有罪誰堪相慰藉  
要當誓不積愆尤

第九站 三次仆地

神通起尸開盲眼  
縱有千鈞亦可持

三仆三興何所爲  
教人悔改勿憚遲

第十站 布衣被脫  
(此處也可加供白綢五碼)

杖履弘揚破世非  
居無定處食無肥  
臨刑一任人欺侮  
撕下僅存破布衣

十一站 劊手擊釘

是誰下手自心迷  
千載如聞聲最淒

悲壯典型磨不滅  
至今猶見法蘭西（註）

十二站 以死贖罪

愛衆全身代衆刑  
天公無乃大忘情

總因罪重人難救  
故遣親兒以死清

十三站 母抱聖體

架下相親死後身  
那堪回首憶生辰

慈悲痛哭當年淚  
滴滴流傳到後人

十四站 石墓暫瘞

世間何處有山陵  
堪葬大慈永不興

畢竟墓門難得掩  
教人正好信飛昇

次八供 頌曰：

供水願蒙天主降甘露 供花願蒙聖神契禪悅

供香願蒙耶穌代贖罪 供燈願蒙聖母代祈禱

供塗願蒙聖徒示榜樣 供食願蒙五聖降吉祥

供樂願蒙五聖助道場

十一、謝火神

十二、回向

甲、普通回向

乙、特別回向 頌曰：

願以此火供片善 咸感觀音帝釋現 感謝上帝及諸天

感謝耶穌代贖罪 感謝聖神默護佑 感謝聖母代祈禱

感謝聖徒示楷模 從此得離一切惡 修一切善無厭倦

生世常如讚美詩 事業常如復活節 人天基礎穩固已

進修佛法早證果 具足六通十力德 廣度人天趨佛乘

次特別懺悔 頌曰：

密宗行人冒濫所生罪 禪宗行人狂妄所生罪

淨宗行人苟簡所生罪 違反一切佛教戒律罪

除向金剛薩埵前懺外 於彼能令諸天不喜者

及令十殿閻羅忿怒者 願蒙代贖十字架前懺

又頌曰：

違反五戒十善人天罪 違反菩薩戒律一切罪

違反密宗十四根本罪 違反性戒禪宗一切罪

除向卅五佛前懺悔外 於彼能惹諸天忿怒者

及令十殿閻羅不悅者 乃至國法有所不容者

引生一切官非刑戮者 願蒙代贖十字架前懺

又頌曰：

異教互謗護法互鬥罪 恃大排小不通圓教罪

仗佛欺天輕慢神明罪 徒誇甚深忽視細行罪

依淺科學毀謗宗教罪 貪圖物欲忽略精神罪  
製造害人一切凶器罪 欺壓賢良提倡暴行罪  
凡諸世間異說邪見罪 願蒙代贖十字架前懺

註：聖徒法蘭西，不立教堂，不率徒衆，事事師法耶穌，亦曾孤島絕食四十九天，竟感五處穿破，  
如釘十字架然，故云。

## 第十三章 結論

結論中有三節：第一節論補充材料；第二節再解析耶穌火供一事；第三節說明如何方易得火供感應；最後以總結完成之。

### 第一節 補充材料

兩種懷法火供之最後作法，尚有如來鉤印。「藥師火供」後，尚有藥師如來印，及十二神將印；因其結印之法，恐非圖解不辦，故付闕如。本函《曲肱齋光明法藏》一書印時，已繪製手印圖加入，故此中未載。又各種供品可以補充者甚多，此中但就本人平日常用者載之；其他未載者，非不可加入也。

又實施此火供者，如專係替其本身供養，任何人皆可依照此書行之，毫無先決條件可言。然如係替他人舉行火供，則必自問是否生起次第已到



成熟階段？曾否見過本尊？如其定功、觀想皆不足爲人消災延壽，則不可輕易爲人舉行。

## 第二節 說明耶穌火供之必要性

釋迦佛在世時曾告其徒，常念天恩；又自謂其神通，有由天所助而現起者。本人依據傳記所造《諸天讚》，關於天助佛事已詳言之。在印度則爲婆羅門梵天；在西方耶穌教普傳地帶，則爲上帝耶和華。天亦如地，地面各國有國王，天上各處有上帝。佛亦承認有許多天，各天各有天主。吾人有志在西方弘法，勢必仰仗天主，及耶穌、聖母、聖徒等大家護持。正如佛在印度，從來不反對梵天；每遇國王兩教同請，佛常讓其高位於婆羅門師徒。其後傳於中國，中國佛教徒亦不反對孔、孟。火供之舉，正合此旨。

惟是耶穌贖罪，只可贖彼人天之罪，即該罪只關人天，不關佛乘。如有人造破壞佛法之罪，則天主亦無法贖之，必向佛前懺悔。故該儀軌最後

之特別懺悔，已說明此意矣。此點耶穌教人不明白，佛教徒必能知之也。

至若耶穌爲觀音化身一事，雖不見於任何佛典，然依余之夢兆及理想斷之如此。夫觀音大悲爲懷，到處示現；彼三十二應，亦明載有天人身矣。余嘗夢人送一觀音像，展而視之，則爲耶穌。其後曾勸張澄基居士在美弘佛法時，切勿破壞耶穌教，並教以此夢。彼由印回美，乃略依余說；一夜夢人送一耶穌像，亦展而視之，則轉成觀音像；與余之夢，可稱爲姊妹夢；其轉來轉去雖不同，而以此轉彼，復以彼轉此，則相若也；彼因此更信余說。今西方比丘，每破壞耶穌，余常以此勸之。其不破壞耶穌，而能更修佛法；了解佛法之深奧處，而不捨耶教之普通優點，實爲西方佛教之優良分子；正如中國優良之佛教徒，皆爲優良之儒教徒。如裴度、蘇軾、白居易等皆是也。讀者如係東方人，而有志推廣佛法於西方，宜深體此意，則其志易達，而西方佛法亦易展佈也。

若夫創造天地之說，上帝萬能之說，永生之說，無有輪迴之說，無有三世之說，當以佛理駁斥之，則非破壞可比，吾人正當努力者也。正若文

佛，以神通得知梵天自執天帝常在之說，乃飛至梵天，當面教誡之。拙著《佛印密宗辨微》英文本。曾引述此事。吾人效法文佛，亦當依理駁斥，此乃哲理上之探究，不可誤為破壞也。

### 第三節 如何方易感應

1. 主旨正大；但為正法，非為私人。
2. 戒律清淨，威儀莊重。
3. 平日為天龍八部所護持。
4. 祈禱誠懇，不雜貪心。
5. 正見具足，正定堅固，觀想明晰。
6. 菩提心大，菩薩事業已見實效。
7. 火供各種條件如法圓滿。
8. 選擇日期、地點，皆合法度。其詳多見別書，本書未載。

#### 第四節 總結

外火供，如上述。內火供，就飲食行之——左、右手爲瓢，拙火爲爐，身壇本尊爲受供者。密火供，就蓮花行之，杵爲瓢，蓮爲爐，蓮中本尊爲受供者。密密火供，光明爲瓢，空性爲爐，法身爲本尊以受供；無一法而非供養也。以上就數十年火供經驗略述之。結以詩曰：

生活過程幾本書 非同摸象說真如

讀來都是修行譜 字裡行間看太虛

## 附錄一

### 勝煙供施簡軌

敬禮蓮花生大士及其事業護法當今多吉勒巴前。

敬禮蓮師所屬天龍八部前。

敬禮宗喀巴大士特別護法大力雄登前。

敬禮法界一切天神、地祇、山神、土地前。

敬禮本區曼達盤形山神前。

初加持松枝小柴——念「喻、阿、吽」三反，想已清淨，一切虫蟻附上者皆已往生。

次加持煙供器具——念「朗、養、康」三次，想火、風、空皆成空性，而成事業，離于三災。

次加持食品——念「唵、阿、吽」，變多、淨、妙味充滿法界；凡設施之物、觀想之食皆成智悲甘露。

加持已，觀想如次：

初念觀空咒如常（念三次）

「唵、蘇巴哇朽打、沙哇打媽、蘇巴哇朽朶、杭。」

想世間一切諸器、諸有情皆成空性。

次空中想一白色 *om*（準）字；準字變成曼達盤，量等法界，內貯前加持一切食品所變甘露。

次念「唵、阿、吽」以供養之。

想無始以來，三世一切諸天、諸神、藥叉、山神、土地及本區山神，皆已歡喜受供。

次想供者本人已變成蓮花生大士，各箇天神皆由蓮師事業護法當今多吉勒巴引導向前，聽候供者之吩咐。

次誦回向頌：（此中即是供者吩咐之詞）

願法界一切天神，一切藥叉及眷屬，領納此供施食子。願瑜伽士及眷屬，無病長壽得自在，功德美譽及善種，勝妙受用咸感得。特於息災之事業，祈爲助辦賜成就；具誓本願爲守護，各種成就祈助辦；非時死與諸違緣，祈消滅諸魔障等；惡夢與彼惡相等，祈免一切凶惡事；世間安樂禾稼豐，五谷盈登法增長，賢善妙樂悉圓滿，祈垂隨欲皆成就。特別本區之山神，歡喜此供常守護；一切法事皆如意，一切鄰居皆和睦，主眷健康定力強，所發善願悉成就。盜賊車禍與火災，永遠不生常護持。偶有不知之過失，祈能安忍而赦罪。晝吉祥兮夜吉祥，晝夜六時恒吉祥。





## 附錄二

### 陳上師親釋煙供諸事

林鈺堂筆錄

師曾因余家月台，面對一山，形如曼達，可能有神守住，因為特製煙供簡軌，囑在初一、十五供之。此軌已收入「密乘法藏初級教授」之增訂部。此處補錄師之面釋如下：

煙供行者宜發真實之大菩提心，方能感得法界一切天龍、山神、土地等善神前來應供，進而護持行者之定力增長，居停平安等等，故行此供施有大利益。若只為個人私利，則只能招來食香鬼耳。若與謗佛者有染，則易招來彼等害死之無數冤鬼，故行之反易生病遭災。故發心與自檢必先行

之。

煙供日期，或初一、十五供之，或日日供之，皆無不可。惟是一經開始，終身不可間斷。此點與蒙山施食相同。一則當受供者已習慣，如斷續不定，反成不敬之罪。二則行者有恒，易感動天龍而賜加被也。如預知某日有事不能行供，宜提前先供，並啓請原諒。藏例，即使自己有病，仍請人代供；甚至本人亡故後，其親人或子弟仍至少代供三日，以表綿延之意。

煙供爐通常可以一鍋置于排成三角形之三石上。觀爲顛器在三髑髏架上。顛器之額端向受供者。三髑髏表三解脫：無相、無生、無願，亦表佛三解脫法門。依簡軌行供時，此三角上之鍋即當觀成顛器，由此再變成甘露大海。前面上空所觀供品則如大曼達盤，表福報。

煙供舉火所用燃料，不可投入火柴。火柴有毒，宜用紙轉運此火，引發供品中柴火。不可用非食用之油。不可用黑炭，因其色不祥易招魔障。因此燃料大都爲松枝小柴、植物油或酥油。藏人通常是在糌粑粉堆下架一

小洞，點小柴以薰之。

煙供重點在煙，故見大火起即以粉類灑上使明火成煙。如日日行供，則供品之量不必太多。煙供之物以三白、三甜爲主，此印度老法。其餘凡乾而易生煙之食品皆可，通常以成粉者爲佳。供品勿一成不變，當調換口味，以博護法歡心。煙供開始點燃時，亦可燒金箔、冥幣、乾花等。

煙供開始時，先依簡軌念誦觀想，至「準」字變曼達盤，念「喻阿吽」以供之，即開始點燃。火起後即當壓下明火，只留其煙。漸添供品，使煙出生。供時亦可隨念所求諸事。供品添盡後，可繼續隨侍或做其他佛事。經過一段時間或在供品全燒完時，即依簡軌之下半段觀想念誦，以回向之。

煙供場所及法器應於事後清理。供餘之灰應慎加處理，或送入流水，或充植物肥料。不可輕賤散置於路而爲人所踐踏。